



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三〇二

卓山詩集十六卷 帥家相撰

一

鮎埼亭詩集十卷 全祖望撰

二〇九

鮎埼亭集三十八卷首一卷 全祖望撰

三二一

賜書堂藏版

翻刻必究

卓山詩集

嘉慶二年新鐫

豫章素稱人材之藪而賢哲聚於一門者奉新
帥氏稱盛焉大中丞五寶公以名進士起家臺
省直聲著聞孝廉石柱公爲中丞之姪敦行讀
書倡明古學創業垂後父子祖孫蟬聯奕禩方
伯蘭皋同小阮卓山兩先生則先後陟身詞館
尤早以詩文馳名當世而周宮保力堂之序卓
山詩集故有蘭皋詩名少魏兄子卓山之譽然
則卓山之詩較蘭皋方伯抑少勝歟已巳歲余
需次南河卓山以銓垣出刺廣德道經哀浦予
卓山詩集序 何 一 三十稟書樓
夙耳其名介姪孫副使燭而納交焉卓山相見
權旋出自註三十乘書樓詩集問序於余余拙
於詩顧嚴於論詩以爲世之風從波靡者皆無
與詩人之事故余雖不能詩而一時之能詩者
之詩終無以使余之心折焉獨心折於卓山之
詩則以卓山之詩諸體取裁豐贍出入風騷尤
長於七言才調鮮華涉筆渾渾入古而不必借
徑於中晚以洗滌其塵蒙之氣要與今之規模
初盛者區以別矣此余所以心折於卓山而嘆

帥氏之多賢才也是歲夏余客居廣德官廨既取蘭皋方伯塞外所著多博吟讀之書跋卷尾旋讀卓山大父中翰簡齋公墨瀾亭文集暨尊甫贈公宗道公詩古文辭悉本道德之所蘊根柢經傳又以子史爲波瀾發揚踔厲成一家言而湮淪扼塞惜俱不遇嗟嗟懷奇抱異之士隱居草茆不遇知者困頓挫折終老牖下既可悼惜幸而通藉幾於用矣而不究所用又羈旅歷落於砂磧險巇之地何上蒼之困抑才賢一至

卓山詩集序 何

二 三十稟書樓

此極也然而帥氏一門賢哲代興石柱公以下自子而孫自孫而又子如烏衣門第封胡羯末難更僕數盛已今卓山以履任清要

寵傳外郡或者少致憾焉然予觀卓山志氣伉爽遇大事不驚其得力風雅滋多昔歐陽氏典牧滁陽風流照耀繼且敷歷中外主持風雅然則卓山之進而益上者正未有艾余又益以嘆帥氏一門之盛也山陰學弟何暉念修甫拜序

農曹帥君卓山爲余友秦藩蘭皋之兄子偕余弟學伋貢禮部以論詩相得歡交甚善卓山旣成進士入詞館詩日有聲聞余弟計偕復至喜懷所作亟往伺之比一見疾相持且呼且躍聞者耳驚徐探懷中詩出共讀又喜且大笑也余弟性木強不諧俗來京師杜門不接一客或禮先之輒稱病不卽答間以詩問者亦不應羣目爲怪獨卓山樂與處余弟亦獨喜卓山可與處謂眞能詩者吾友也可與言詩卓山之於詩也

卓山詩集序 周

一

三十稟書樓

一以杜爲宗余弟則謂學杜者得其性情所在各當其時遇所觸言之而有關於倫理性命之故不必杜而無非杜也抑其波瀾意度之所出則不可不論卓山以爲然則益肆力於杜方其情之所遇一有所得輒舒簡作毫毛小書或大字雜置諸篋時拉余弟檢視權其善不凡所善者錄於帙計余弟在京六閱月不與卓山相見及相見不語詩者率月無一二日蓋卓山惟余弟之言是從而余弟亦惟讀卓山詩則不知手

足之舞而津津有味其言之也余弟既還卓山時若有失歲之三月謁歸將道陝省其仲父蘭皋而質以詩屬余爲敘之余與蘭皋交二十二年矣中間聚處相得不異余弟與卓山而余媿不能詩卽蘭皋故有詩名亦似少媿其兄子積至今余髮且白尚無可道者竊用自咎故於敘卓山詩而深今昔之感幸卓山其以爲鑒勿重蹈余之追咎且示余弟尚毋方人以速自勵也

皆乾隆五年春三月力堂周學健序

卓山詩集序

周

二 三十稷書樓

卓山詩集序
余弟既還卓山時若有失歲之三月謁歸將道陝省其仲父蘭皋而質以詩屬余爲敘之余與蘭皋交二十二年矣中間聚處相得不異余弟與卓山而余媿不能詩卽蘭皋故有詩名亦似少媿其兄子積至今余髮且白尚無可道者竊用自咎故於敘卓山詩而深今昔之感幸卓山其以爲鑒勿重蹈余之追咎且示余弟尚毋方人以速自勵也

往余族叔春圃在西安方伯帥公幕府得其樹人堂詩攜之以歸余爲之選擇百十篇余友王梅谿鋟板以行其時吾師以翰林出守廣德方伯公之冢姪也梅谿遣一介賁其書至廣德署中吾師感激涕零如出望外蓋方伯公此詩無副本既恐不傳而茲忽得之於無意中爲尤幸也乾隆癸酉鄉試吾師充江南同考官余以書經獲雋出師門下展謁之餘追譚往事師始知梅谿所刻詩得自余之選擇而梅谿序文中所

卓山詩集序

汪

一 三十稷書樓

者也何必規規焉摹倣古人而又安在其不及
古人也哉余既得方伯公之詩選擇而授之梓
垂十年又得茲編浣手莊誦敬識數語思自附
於可與言詩之列蓋師友淵源得諸授受者於
方伯公則聞而知之若吾師則見而知之乾隆
十九年嘉平月縣縣門生汪士通百拜撰

卓山詩集序

汪

二 三十稷書樓

題三十稷書樓詩集

秋雨滴空牕冷風向四壁惆悵不成吟何以慰
今夕竭來美人子手示詩一冊開卷讀未已頓
覺情意適如觀大海水波浪幾千尺如觀華頂
雲霞光燦五色忽作驟馬奔壯夫莫能掄忽作
神龍舞隱見不可測八門疊出奇一氣無終極
直欲超漢魏不蹈西江格大雅煥清時後學宜
矜式我雖未讀書雅意事筆墨廿年走湖海曾
入騷人席斯道歎淪亡誰能振其翼今知一脈
卓山詩集題辭

一 三十稷書樓

錢塘徐焯
手稿

數百字請君爲指摘

卓山詩集總目

五言古詩二百二十七首

七言古詩七十七首

五言律詩六百八十七首

七言律詩一百七十三首

五言排律十五首

七言排律一首

五言絕句三十一首

七言絕句八十七首

卓山詩集 總目 一 三十稜書樓

詩十六卷總計一千二百九十八首

卓山詩集參訂姓氏

項家達 豫齋 宋 瀛 環川

胡 榮 安址 徐良知 曉初

汪金浩 玉田 蕭光時 香泉

蔣知讓 藕船 鄧春曉 令德

陳鍾炘 秋圃 蔡 芸 禮耕

涂從軾 爽軒 蔡賀元 首予

舒驥祥 儼思 蔡香祖 蘭谷

舒麟祥 玉書 涂日耀 遠窻

卓山詩集 卷二 一 三十稜書樓

舒祥雲 正思 甘立泰 魯瞻

潛文曙 寅白 朱國琛 鶴山

蔡象遠 谷愚 裴成科 第元

彭祖梧 閻先 甘會昌 廷榆

熊韞輝 奠北 帥培元 信之

鄧 華 惟猷 帥學識 明之

徐光廷 兆猷 帥捷元 蒲香

廖學星 占奎 帥 理 鳳綸

廖貽孫 拱辰 帥學議 論之

卓山詩集卷一

奉新帥家相伯子甫著

述言

燥髮事吟諷賦詩亦連篇有如邨嫗女背人弄
花鈿十四襲梁陳開口求華鮮織詞繪繪中倚
簪筓簪前二十擬唐律稍與風雅緣雖與風雅
緣撫拾爭技駢不知本心聲餽飣披陳編陳編
亦浩茫如水灌百川百川紛亂流學海存淵源
超濟不以機墮深自輕捐迷津使人悲中道又
卓山詩集 卷一 一 三十稟書樓
可憐夜起奮迅呼掘井惟及泉仰觀曠寥廓俛
瞰周袤延高下每咄嗟網緼彼何宣余懷集已
衆熏灼如火煎莫知所自屬抑塞深纏綿有客
向我歌發聲妙絲絃空中杳音節又不可招攀
因思激天籟意結萬象先萬象無滯著人心有
拘牽嗚呼卅年來枉逐時流賢斯文豈但儉匠
巧非雕鐫名心鏹真宰混沌鑿欲穿晚覺才益
盡那知道難堅天地垂大文以我殊淺淺窮繪
宇宙態委之散浮烟六雄與六雌有奏諧鈞天

鳳鳥遺好音豈不惟自然今欲屏幽獨何當守
言詮願攀瓊瑤枝自策珊瑚鞭駒隙度白日雪
霜凜華顚空言任一世死去當誰傳

早春東臯

蕃生各動息蠢然見天和交枝啼鳥聲蔚綠滋
榮柯天桃亦始花碧草還滿坡予行東臯上覽
物懽如何吹萬齊一息臨風散酣歌青春幾來
還霜雪昨已多無心豈禽卉易地同蹉跎東隣
有饁餉取醉長經過且憐楊柳色映客醉顏酡
卓山詩集 卷一 二 三十稟書樓
今日樂上樂委心終阿那

喜聞青海凱定

都護全師舉休屠一戰空獻俘羅種落斬馘過
崆峒議出明堂上威行絕幕中軍門方振旅鼓
角入熏風

汎淪

十日春溪雨盤盪到岸高鳥飛皆貼水龍臥不
驚濤委曲通旁市浮沉沒半篙地窪殷蓄洩流
惡事吾曹

憶周崑

有賢淹下里逢使問潛夫他日詩稱癖知今谷
是愚不彈雙缺直自倚一筇孤意氣斯人老如
何跡未俱

九日汎舟南川

任運無止息時序迭已然息心俯澄流逝者猶
轉旋馳波競文魴急翼翔飛爲羣物趨一候淒
淒向高天揆辰豈遺情况有下水船臨流一放
宕忽謂過古賢古賢久不見往者隨化遷形骸

卓山詩集

卷一

三

三十稟書樓

一朝在即事皆可緣比興或賦詩悲歌激清漣
豈無東籬菊藉我酣相眠不及陶淵明幸意題
斜川聆音在深樹靡靡號雄蟬逝將亟時會亦
欲聲相宣哀音悵無已駐轍俱留連

送從軍二首

朝過漢軍營傳宣赴募兵將材須有種烈士尚
成名策轡風俱逸臨邊月獨明祇應安牧圉王
者自無爭

猛氣常思敵輕身銳執父一時收草莽百戰望

邊隅駕馭慚英傑飛騰試道途塞烽原自靖未
用急馳驅

芍藥詞

搖曳不自禁如傷折贈神東君且一眄此物殿
餘春

秋藕詞

苦心托蓮子斷藕寄秋蓬借問絲常在西風不
語中

瓢

卓山詩集

卷一

四

三十稟書樓

有用辭匏繫無容植種偏一瓢堪藉飲二頃漫
須田道豈形骸寄心將嗜好先青蘊同故物吾
輩但爲緣

甘母一首

并序

康熙十三年諸藩構逆奸民竊發剽掠予外
會王父以鄉勇團練保障一方已而疾革職
垣窺戶內外洶洶外會王母何氏韶年介守
奉孀姑撫弱穉艱難轉徙身家獲全嗚呼節
已苦已作詩述潛德俾後世有傳

甘公子
超諱

大節有特稱余茲憶髫髻登堂侍慈幃口授追
名媛俯仰六十年蒐求尚聞見薄俗惡高行鄉
閭掩遺善空有黃鵠歌誰賡柏舟諺采風失記
載遺事益深羨往者蠡蠆羣血腥諸藩煽么麼
弄干戈慘殺及鄉縣守臣徇赤子勢肆恣蹂踐
飛鳥無定巢饑鳶啄簪鈿流冗號子妻窮荒絕
逃竄况閱承平時千邨失團練一夫起長呼萬
衆號時難霜明耀戈矛兵甲始營繕倉卒多病
軀乃翁及斯變庭萱絕持扶乳哺旋關牽一身
卓山詩集 卷一 五 三十稟書樓

吳磨畫山水障子歌

高堂無人靜森爽十尺生綃洞開朗錯磨丹翠
豈空垂翳荀烟嵐澹悵愴盤紆遠勢萬里來手
腕運之凡幾迴峯摧樹偃元氣絕筆枯穎禿精
神開新機轉入奧窔處古色復帶松泉哀咄哉
三十六瓊島莽與烟霧相徘徊乘陵絕巘俱反
走風雨崩騰倏前後之罌一峰獨不移溟滓迴
迴合潔湊巨靈呵護弗使前鬼工叫嘯來陰岫
不知匠巧汝何神直恐山川失會遺懸崖東南
原阜空故開屋宇臨深洪中有海日昇暉瞻厖
卓山詩集 卷一 六 三十稟書樓

波蹙彩驚蛟龍浮舟難還避不得反畏江湖踰
樂國傲睨卻出釣鰲夫臥穩菰蒲情弗隔叮咛
故與區與合出處翻貽世人惑得不置鄙叢巒
間卽添芒屨穿清灣具茨問道失童子舉眼唅
峒絕往還

夢得末句醒而足成

怪得天風徹夜寒倒吹瀑布紫雲端起尋五老
不知處萬疊秋屏立馬看

自九江陸路過匡廬

徑仄崖欹征馬愁不知已傍匡君遊長風忽轉
天全曉楚色常隨江倒流五老入雲翻半出諸
峰拔地遠相求棹歌落日向官渡回首青蒼又
莫留

徐州渡河

河流三萬里一氣混滄溟影界彭城白寒濤寬
國青漢封餘信誓楚雨獨英靈落日黃樓笛猶
從倚棹聽

西苑

卓山詩集

卷一

七

三十稟書樓

宸居不在壯餘地得仙宮日月泰雲外芻蕘漢
園中鴛鴦閒水殿鳩鵲臥花叢極望連雙闕從
知雨露同

上白塔寺

迥入青冥路高披碧漢風樓開雙闕上山出五
雲中禁樹不相倚宮鴉半在空諸天寂寥界還
與上林通

生日示同舟諸子

祇記縣弧合遠遊百年此日不禁憂鬢青顧我

知無賴頭白諸公定幾秋身世關心重汎梗乾
坤迴望炯沙鷗南江北駛遲孤棹已畏催人萬
古流

下閘

上閘如登天下閘如奔駛上閘復下閘憂虞悵
徒旅建瓴落飛舟入坎欣徐舉先後及漕艘轟
騰更如圯畏人實臨淵况及龍爭蛇豈知轉雲
帆古者寧於此海波避鯨鯢疏濬環千里感激
深經營徬徨念遷徙事有荷天仁人寧怨洪水

卓山詩集

卷一

八

三十稟書樓

狎險雖爾危終憐白爲取紆餘舟楫手嘆息猶
龍技瞥眼判危安沉浮信凡幾人生各窮通况
乃涉涯涘日暮陽候爭悵絕黃牛死

京江望金山述古兼示同舟五百字

旅行傍滄溟所歷異肩轂進止任蒲帆江山惟
極目二十初遠遊觀物苦不足指示資同舟平
生證圖錄非惟富延覽藉使明顛覆潤州爭戰
地江左興亡隲高深信殊狀嶠海其結束余意
方逶迤余舟及洄瀨乾坤入高望俯仰生遐屬

天塹終浩茫方輿豈踰跼鐵甕擁南徐金山峙
中矗插天聳浮圖離地漾金粟倘恍丹蘄明迴
環翠雲簇呀然寺門開已破長江腹鯨穴湧波
濤驚靈奠平陸固足激天輪終能穩坤軸是日
天轉陰蛟龍起靈族艤舟泊枉渚白浪崩如屋
渡江非擊楫息駕且諧欲安知今古來世事如
驚鷺在昔康王朝漂波走沉鏃當時誤鼎鉉棄
險首畿服滹失長淮河項臂已全縮遂孤維揚
軍遭彼大焚戮倉卒溫明間君臣自株觸蒼茫

卓山詩集 卷一

九 三十稟書樓

黃天蕩翔舞金人蠶不有韓公能中原傷慘黷
駐師八千人據要孤山伏中閨震桴鼓窮虜墜
袍玉一戰基南朝孤軍振全局譬彼師合淝奚
殊麀鉅鹿成功雖未竟勝氣足恢復讀史軒鬚
睂憑臨谿衷曲大儀又獻捷驄錦威望肅桓桓
武昌公犄角聲破竹和議苟不成曾何憂挫衄
至今泚盤盪鴻滌靖康辱補天杰士略誓死忠
臣躅一泥成敗論今往難更僕滋滋衆流聚掣
掣人代速天險重不移山川亘遮複南都事固

守豈合輕涯澳立蜀惟苟安亡秦跡相續彷彿
遲留間千秋迭歌哭東南本削弱形勢起襄蜀
置制復異宜由來坐窮蹙遡古煩心神周行自
幘幅長飈忽宵寂羣響羅林木何當躡丹梯窈
窕度層麓一寄江上情空濛對澄綠

五人墓下作

衣冠傾衆寺社稷棄真儒灑血無碑世囊椎向
此夫山川存故塚風雨葬頭顱日暮要離側英
靈正不孤

卓山詩集 卷一

十 三十稟書樓

胥臺行

奢俗深入尚千載至今歌舞思前代楚歌越舞
爲誰哀吳宮髣髴當年在憶昔夫差全盛時廊
間響屨藏蛾睂五年不惜億民力臺成豈識隨
鴟夷鴟夷東浮復終古日暮風吹但黃土墓古
於今葬玉魚軍威在日誇銅虎霸圖且使無移
時何況傾城鬚眉錦帆涇前花可憐香水溪
邊樹無主此時西施復何適曲憶烏棲長不憚

酬蕭二惠書見憶 家訓

長年淹別日賴汝寄書頻閱歷惟知己艱難思
古人浮雲吳苑樹歸夢越江津感激猶雙鳥中
心念所親

觀潮

龕赭起漫漫魚龍瞥眼觀向時英爽盡終歲海
天寒浩漭曾無極盈虧復一端聲悲兼旦晚信
有混茫寬

哭蕭二

更欲逢誰語平生失此人璫璣終不琢衣食累

卓山詩集

卷一

十一

三十稟書樓

君真天假才何忝人貧死竟隣蒼冥無問處斜

日下延津

魁樓并序

魁星不載祀典大抵觀乎天文以立教者也
祀於奉新學宮者有像有樓星天剝落神以
弗棲於是陳諸生坦奉尊人容齋遺命捐厚
貲塗暨丹雘霍然以新容齋以文章世其家
獎厲後進與立教之旨甚合余獨嘉坦動輒
不忘其親爲可風也

高樓倚穹窿上切丹垣寒精炯下迴薄靈旂歟
高盤其芒屬斗杓其享非祠壇昭格良有自塗
茨固其端嗚呼孝子志一事甘纓鞶疇昔憶成
命風霜歷摧殘徘徊繼述大自古爲辛酸感激
懷永言因君陟盤桓哀走罹乳獨手澤空長嘆
往者天性懷吾汝同悲歡崔嵬迥高步撫念不
得攀悵快踰歲月極望天漫漫

述感

感憤殊百端或非壯夫志乃生失蹉跎竟被妻

卓山詩集

卷一

十二

三十稟書樓

孥累棧豆樞馬羈一枝鷓鴣寄悠悠廿年身戚
戚百迴慮高天結浮雲掩抑不得意迴顧白日
光戎戎集陰翳九原旣長夜填海悔精衛閱境
解傷心逢人惜憔悴今春少女殤隔旦嚴君忌
麻衣不蔽軀藿食窘承志慟哭三更頭擲掄憑
鬼魅慈幃恐淒情聲出復偷淚惻惻煩哀殤汎
瀾默相視祇憐大兒癡嘔啞若相慰宇內餘此
生人寰悵浮寓於邑誰其伸咄嗟惟自異樸樸
喧樹間長風復驚寐獨起視玄穹吾生那無倚

雜述四首

晨起思茫昧趙趙竟誰依對人忍顰蹙獨坐歌
采薇謀生日苦拙壁立甘長饑石田本常磽豈
必逢時非昨聞秋禾登輸納日弗違顧我無租
稅終朝長掩扉

溫飽實有天無襦豈今年綈袍古高誼肯乞俗
子憐零落舊詩史風力悲折綿無綿又何折烈
風恐無權杜陵有布衣至死名愈傳無已不凍
病後世誰爾賢歲寒乃有侯身外非吾緣

卓山詩集

卷一

十三

三十稟書樓

身如梁上燕寄壘他人前宛邱打頭屋陬陋勞
周旋慰彼一枝在寧無坐忘天舟居既無水陸
處不置椽其人侈梁棟托足甘速邇我固闌闌
子抗懷豈高賢長嘯意忽愜浮寓自古然形神
識舟寄放志遑復憐

誰矜安步榮未斷乘車念境遇苟適然下澤良
稱善所悲矯激士介介殊榮賤情役道彌遠機
深物交戀而我慕庸行蕭然托遐願有履不借
人荒山踏霜霰

贈劉翁宏龍

斯腰不常折未知富兒豪以茲累饑病媿恥深
兒曹走貸市藥資囁嚅使不高生人異貧富四
海多嗷嗷咄嗟已饑溺豈足煩叫號乃翁惠余
私鍼灸隨手操弱子幸苟活銘佩爲翁牢翁也
掉其頭高歌眷蓬蒿往者閭里間東舍爲貪饕
怙勢主稱貸剝及脂與膏西隣有哀鶴雌者淒
青嗥分翼在一朝仰天激號咷義心感熱血俠
氣衝兩髦左顧問所因右盼揮金刀別鵠操未

卓山詩集

卷一

十四

三十稟書樓

閔和鳴起林皋惠施本不報事往失貶褒請賡
劉翁詠勸美存風騷在汝信擇術於時切民勞
自茲布明德一事爭毫毛莫知醫國手牛喘眞
忉忉吾聞拯時策不在痊疥搔勝理會有恙公
私寧各叨小民念何責競利窮秋毫貴賤善調
劑商農肆甄陶綱維合郡國風俗熙游敖余餓
又何恤與翁浮濁醪

廿六弟

志道

粵歸述遊

雀噪柴門烟粵客返征旆掃徑拂風塵投輪慙

高會豁殊俗情苦道南方異始從度大庾遂
入花田畛舟車杳紛營山海環襟帶由來百粵
地自古南夷塞其俗襍徭蠻其民介中外鯨人
市明珠海舶售璣貝

聖朝大優柔恩渥逮若輩惠養旣攸同疇非安
境內憶登尉佗臺感激洪流滙當時南越王巍
然擁方帥漢文示寬仁存恤書頻再乃知黠開
邊武帝羞前代四海誠一家幅幘豈云隘決泝
視江流趨蹌眇鱗介銅烏有時動噫氣含大塊

卓山詩集

卷一

五

三十稟書樓

青蘋始悠揚颶母歛泐泐飛沫激天輪沸波陷
離位鰲軸終不移鯢鯨豈誠大鯢生戀鄉閭出
入逐羣隊不有碣石游安攄達人桀側聞古伏
波殺戮平諸砦分茅亘長嶺銅柱可還在歷覽
向名區行踪慰能屈相逢一樽酒佐爾炎州荔

出門
乙卯

車鳴馬又嘶親戚及我屏我入別慈母執手語
意遲兒住母艱養兒行母又悲親縫手中線淚
落身上衣戚戚視兄弟悵悵淚亦垂游子策高

足涕豈生別滋有親弟尚幼恐不任支持薄田
無半畝余實畏母饑此心質明明感歎在故知
晨雞四五唱不得少依違弱子忍不顧掉頭竟
駟馳至性恩豈薄事有輕遠離出門復紆鬱重
與親故辭

墮舟

夙昔臨淵戒江湖竟若何劇貪微命賤入坎一
身多生死浮名路悲愉頃逝波莫辭長蹈險世
事總馮河

卓山詩集

卷二

五

三十稟書樓

岳忠武祠

詔獄猶三字成功豈一身死生歸聖主忠藎信
愚臣社稷安危恨祠堂日月新道途哀展謁貽
誤竟何人

渡京江

我來京口渡獨濟過江船浩瀚此何地風波無
歲年金焦雙黑子潮汐半青人大地同南北吾
行自扣舷

淮陰釣臺

漢將功名空復論釣竿今指一臺存舊樓翡翠
迎舟尾暫止鵝青沒水痕淮上波濤迷漢楚市
中雞犬哭王孫大風歌後歸來晚哀樂千秋怨
古魂

題漂母廟

食恥王孫進功扶漢世勲終貽巾幗禍古廟立
孤雲

淮口

長河思故道舟楫溯清淮倒引爭強弱交流異

卓山詩集

卷一

七

三十稟書樓

決排湖洪常共險轉運庶無乖微禹功何在重
懸萬古懷

奉簡周二丈學倅

六十韻

夙昔懷知已斯人與古期宮商嚴曲顧道德結
鞭隨前輩淵源正孤蹤邂逅奇文名蜚舊譽詩
律準新釐頗憶趨庭日長矜入望忌銀根差弗
謬聖斷倘能施末俗逢瀾倒瀾云權垂元聲
宣豪雋天籟判雄雌軒管原調鳳虞庭載命夔
謳謠瞻帝世雅頌著周姬尼父無邪旨軻賢不

害詞千秋尊有系六義炳於斯迹熄騷風振音
存樂府遺河梁開絕響鄴下建崇規典午沿洞
盛昭明選擇宜柴桑非世代康樂具標儀鮑庚
才兼富楊盧體莫疑三唐紛體製兩宋漫贅訾
在已抒情性因時見盛衰鶴鶴關寄屬蟋蟀念
勞疲或假江山助寧傾砥柱移西崑非綺麗南
渡豈陵遲歷歷高會矩煌煌俎豆貽如何教胄
子但語唱伶兒遂使同文重羣遵異軌馳鉛華
工色澤蕪蔓積支離輦悅爭相飾俳優巧互欺
卓山詩集 卷一 七 三十稟書樓
興觀殊已矣諷勸抑何其虎豹窟留韞驕驕祗
相皮還聞事壇墠堪爾熾旌旗往聖猶哀憫微
衷並渴饑國家鳴運會男女肇綱維訐譖轟酬
和姦聲亂鼓吹將毋誤心術已足錮蒸黎王化
行當懲才流每共嗤撫膺傷燭火矯首望晨曦
季扎今難起申培敢自辭有情歸慟哭無力付
齋咨精衛啣雖苦蚍蜉撼木支從來孤立懼必
任衆咻爲不有英豪集終朝寂寞居畏人藏面
目忘我悔鬚眉蝨老張公乘螢乾董氏帷波濤